

BONKANDA BOKI YAKOBO.



I 1 Yakobo, bokwal'oa Nzakomba,
l'oa Nkolo Yesu Masiya, ele baoci jom
l'afe bafalangani, beseso.

2 Baning'akam, a inyo kwela nda
tomemo c'ouke, lotanga ng'oko nk'
osalo. 3 Jea te lomoko ja wamb'okinyo
loöngya mpimba. 4 Ko cika te
mpimba eyala l'olem'okae bondeji,
t'inyo lolalama ko lokoka, nk'osamba
nda imo.

5 Lolo nde ng'om'okinyo asamba
wanya, kel'uol'eka Nzakomba, okaya
bant'uma wo wo, k'afofengola, ko
wifokaem'el'ende. 6 Lolo kel'uole la
wambo, nk'otatano, el'end'otatana ale
ng'ole mputa ya'beke yonyengwa
l'elele, ko yosangwa sango sango!